



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 39. Acemetæ damnantur.

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

Sæculum VI.
A. C. 533.

§. XXXIX.

Acemetæ damnantur.

Ep. Joan. 2. Interea Joannes Papa nihil intentatum relinquebat, quo ad saniora reduceret Cyrum Monachum ab Acemetis delegatum, illosque, qui cum ipso Romam venerant impugnaturi Propositionem: *Unus ex Trinitate passus est.* In errore pervicaciter perseverantes Papa a sua & totius Ecclesiæ Catholicæ Communione exclusos pronunciavit, jam prius a Communione Episcopi sui Patriarchæ Constantinopolitani rejectos. Nihilominus quosdam Monachos Romæ reperire fuit, qui se hac occasione a Communione Papæ separantes, Acemetarum Delegatos sequi maluerunt. Igitur Papa datis ad Imperatorem Justinianum Litteris ipsius Edictum circa Fidem, cum consensu Episcoporum editum, approbat, quod ut magis pateret, Imperatoris Epistolam suæ inserit. Unde Authentice confirmat Propositionem: *Unus de Trinitate passus est*, eo modo quo Imperator eam veram esse pronunciaverat, scilicet, prius Doctrina de Trinitate & Incarnatione explicata, & addendo, quod in Carne sua passus sit. Deinde significat Papa, Monachos Acemetas fuisse a se damnatos, quo non obstante Imperatorem hortatur, ut, si Errores abjiciant, ipsos recipere.

*to. 4. Conc.
p. 1746.*

*Lib. Brev.
c. 20.*

ciperet. Hæc Epistola octavo Cal. Apr. Sæculum VI.
Justiniano quarto cum Paulino Consule A. C. 534.
id est 25. Martii anno 534. data.

Papa dimissis Imperatoris Delegatis,
ad Senatores Romanos Epistolam dedit,
ut, sicut ipsi cupiebant, doceret, quid
his Delegatis respondisset. In ea Epi- *Ep. 3. p. 1751*
stola dicit: *Indicavit nobis Imperator,*
tres ortas esse Quæstiones, nimirum, an
Jesus Christus possit vocari unus de Tri-
nitate. An in Carne sua passus fuerit
Divinitate impassibili permanente. An
S. Virgo Maria vere & proprie Dei Ge-
nitrix dici debeat. Imperatoris Fidem
approbavimus, atque testimonio Scriptu-
ræ & Patrum veram esse ostendimus.
Tunc Propositiones singulas ex Auctori-
tate probat. Omnium primum ex SS.
Patribus citat S. Augustinum, *Cujus Do-*
ctrinam, inquit, Ecclesia Romana secun-
dum Decreta meorum Antecessorum sequi-
tur & servat. Ad calcem Epistolæ edi-
cit, Ecclesiam Romanam damnare Mo-
nachos Acemetas, quos Nestorianæ Hæ-
resis evidenter convictos teneret. *Quam-*
obrem, ait, secundum Canones, qui jubent
ut Catholici excommunicatos devitent,
admoneo vos, ut nequidem ipsis colloqua-
mini, & nihil omnino vobis commune cum
ipsis sit. Ceterum Joannis Papæ Episto-
læ hac super re ab Epistolis Hormisdæ
Papæ non dissentiunt. Nam Hormisdas

Sæculum VI.
A.C. 534.

quidem offensum se indicat Monachorum ex Scythia importunitate, at nec eorum Personas, nec Propositionem, quam affirmabant, damnat; e contra Johannes Papa hanc Propositionem speciatim approbat, & Monachos Acemetas eam rejicientes excommunicat.

§. XL.

Codex Justiniani.

*L. 8. Cod. de
Sanct. Trin.*

Justinianus Imperator, acceptam Papæ Epistolam suo Codici, quem decima quinta Nov. ejusdem anni 534. secundo promulgari jussit, inseruit. Sub initium Imperii sui Leges Romanas corrigere aggressus primo Codicem, id est, Selectarum Constitutionum ab Imperatoribus Antecessoribus suis editarum Collectionem concinnari jussit. Id præcepit anno 528. cumque opus istud esset perfectum, anno sequenti 529. promulgavit. Deinde Codicem ex omnibus utilioribus veterum Jurisconsultorum libris confici, & Excerpta in Titulos distribui curavit. Huic Operi Nomen Digesta seu Pandectas dedit. Id fieri mandavit 15. Dec. 530. & postquam opus fuit absolutum, illud confirmavit, & 16. Dec. 533. promulgari curavit. Tum jubente Justiniano Institutiones compositæ, quæ pro introductione ad hos libros essent. Et iterum Codice suo emendari jussit alteram

*L. 1. de no.
Cod. fac. l. 2.
ibid.*

*L. 1. de vet.
Jur. in l. 3.
ibid.*